



Na osnovu člana 24. Zakona o Tužilaštvu Brčko distrikta BiH ("Službeni glasnik Brčko distrikta BiH, broj: 19/07) i člana 2. Odluke o usvajanju Strategije za borbu protiv korupcije Brčko distrikta BiH 2018 - 2019. godina i Akcionog plana za sprovođenje Strategije za borbu protiv korupcije Brčko distrikta BiH 2018 -2019. godina godina ("Službeni glasnik Brčko distrikta BiH", broj: 15/18), u skladu sa Strateškim planom Tužilaštva Brčko distrikta BiH za period 2016-2018. godina, broj: A-567/2015 od 21.08.2015. godine, glavni tužilac Tužilaštva Brčko distrikta BiH donosi

ODLUKU

O USVAJANJU I SPROVOĐENJU PLANA DJELOVANJA PROTIV KORUPCIJE

Član 1 **(Predmet)**

Ovom odlukom usvaja se Plan djelovanja protiv korupcije na osnovu Akcionog plana za sprovođenje Strategije za borbu protiv korupcije Brčko distrikta BiH za period 2018 - 2019. godina ("Službeni glasnik Brčko distrikta BiH", broj: 15/18), u cilju realizacije zajedničkih i specifičnih aktivnosti, koje su u nadležnosti Tužilaštva Brčko distrikta Bosne i Hercegovine (u daljem tekstu: Plan djelovanja protiv korupcije).

Član 2 **(Sprovođenje Plana djelovanja protiv korupcije)**

- (1) Za koordinatora sprovođenja Plana djelovanja protiv korupcije imenuje se zamjenik glavnog tužioca Tužilaštva Brčko distrikta BiH Pavo Radoš (u daljem tekstu: koordinator antikoruptivnih aktivnosti).
- (2) Koordinator antikoruptivnih aktivnosti zadužen je za stalno praćenje Plana djelovanja protiv korupcije, sprovođenje aktivnosti za koje je određen kao neposredni nosilac, sačinjavanje i podnošenje izvještaja o sprovođenju Plana glavnom tužiocu i eksternoj fokusnoj tački, te davanje prijedloga za unaprjeđenje Plana.
- (3) Nosioци tužilačkih funkcija i ostali zaposleni u Tužilaštvu dužni su izvršavati naloge koordinatora antikoruptivnih aktivnosti i dostavljati mu potrebne podatke i informacije od značaja za sprovođenje Plana.
- (4) Istekom svakog kvartala kalendarske godine koordinator antikoruptivnih aktivnosti dužan je glavnom tužiocu Tužilaštva podnijeti izvještaj o sprovođenju Plana djelovanja protiv korupcije.

Član 3 **(Tabelarni prikaz)**

Plan djelovanja protiv korupcije - tabelarni prikaz planiranih aktivnosti, nosilaca, rokova i pokazatelja sprovođenja sastavni je dio ove odluke.

Član 4 **(Stupanje na snagu)**

Ova odluka stupa na snagu danom donošenja.

Broj: A-309/2018
Brčko, 18.06.2018.godine

GLAVNI TUŽILAC
ZEKERIJA MUJKANović

Dostavljeno:

1. koordinatoru antikoruptivnih aktivnosti;
2. zaposlenim u Tužilaštvu (svima);
3. na web stranicu Tužilaštva;
4. a/a

PLAN DJELOVANJA PROTIV KORUPCIJE

Tabelarni prikaz planiranih aktivnosti, nosilaca, rokova i pokazatelja sprovođenja

I - Zajedničke aktivnosti					
R.B.	AKTIVNOST	R.B. iz Akcionog plana za sprovođenje Strategije	ROK	NOSIOCI	POKAZATELJI
1.	Usvajanje i stavljanje u primjenu vlastititog Plana djelovanja protiv korupcije na osnovu Akcionog plana za sprovođenje Strategije za borbu protiv korupcije Brčko distrikta BiH i dostavljanje Plana eksternoj fokusnoj tački	9.1.1.	Jun, 2018.	Glavni tužilac, na prijedlog koordinatora integriteta/koordinatora antikoruptivnih aktivnosti i sekretara	Usvojen, stavljen u primjenu i javno objavljen Plan djelovanja protiv korupcije
2.	Evaluacija Plana integriteta Tužilaštva Brčko distrikta BiH	9.1.2.	Oktobar, 2018. + kontinuirano	Koordinator integriteta/koordinator antikoruptivnih aktivnosti, na prijedlog sekretara	Izrađena analiza sprovođenja Plana integriteta
3.	Zapošljavanje vršiti u skladu s iskazanim potrebama u aktima o sistematizaciji radnih mjesta po osnovu ugovora na neodređeno/određeno vrijeme	9.1.5.	Septembar, 2018. + kontinuirano	Glavni tužilac, na prijedlog sekretara	Blagovremenost zapošljavanja; Nema lica angažovanih po osnovu ugovora o djelu, ugovora o posebnim poslovima, ugovora o privremenim i povremenim poslovima i ostalim sličnim ugovorima
4.	Zadržati proaktivan pristup javnosti rada	9.1.6.	Jul, 2018. + kontinuirano	Glavni tužilac, na prijedlog sekretara	Zadržana transparentnost rada (broj objavljenih i na zahtjev dostavljenih informacija na nivou prethodnih godina)
5.	Pojačati interni (iznenadne kontrole, interne revizije, itd.) i eksterni (inspeksijska kontrola i sl.) nadzor u onim oblastima rada u kojima je na	9.1.7.	Jul, 2018. + kontinuirano	Koordinator integriteta/koordinator antikoruptivnih aktivnosti na prijedlog	Broj izvršenih kontrola i nadzora

	osnovu plana integriteta ustanovljen rizik od korupcije			sekretara	
6.	Uspostaviti otvoreni komunikacijski kanal s ciljem prijavljivanja korupcije	9.1.8.	Avgust, 2019.	Glavni tužilac, na prijedlog koordinatora antikoruptivnih aktivnosti	Broj otvorenih komunikacijskih kanala
7.	Uvođenje modela e-upravljanja (posebno e-javne nabavke), kako bi se pojednostavile interne administrativne procedure	9.1.9.	Avgust, 2019.	Glavni tužilac, na prijedlog sekretara i IT službe Pravosudne komisije	Izrađeni dokumenti koji iniciraju i uređuju mjere modernizacije putem informatizacije; Uveden model e-upravljanja
8.	Izraditi vodič i registar informacija pod kontrolom Tužilaštva u skladu sa Zakonom o slobodi pristupa informacijama u BiH	9.1.10.	Septembar, 2018.	Glavni tužilac, na prijedlog sekretara	Izrađen vodič i registar informacija u skladu sa Zakonom o slobodi pristupa informacijama u BiH
9.	Obuka zaposlenih za provođenje postupaka javnih nabavki s ciljem specijalizacije i dodatnog usavršavanja	9.1.13.	Oktobar, 2018. + kontinuirano	Glavni tužilac, na prijedlog šefa administracije	Broj izvršenih obuka
10.	Provoditi obavezu javnog objavljivanja planova javnih nabavki, zaključenih ugovora, kao i eventualnih naknadnih radova u skladu sa zakonom	9.1.14.	Septembar, 2018. + kontinuirano	Sekretar, na prijedlog šefa administracije	Plan javnih nabavki se objavljuje
11.	Donošenje procedura upravljanja rizicima u postupcima javnih nabavki sa posebnim akcentom na pripremu tenderske dokumentacije i prijem roba, usluga i radova	9.1.15.	Oktobar, 2018.	Glavni tužilac, na prijedlog sekretara i šefa administracije	Donesene procedure upravljanja rizicima
12.	Provesti anketu o osposobljenosti i informisanosti zaposlenika u vezi sa prevencijom korupcije i koordinacijom borbe protiv korupcije i sukoba interesa	9.1.17.	Oktobar, 2018.	Koordinator antikoruptivnih aktivnosti, na prijedlog sekretara	Broj anketiranih zaposlenika
13.	Nakon izvršenja ankete osigurati edukacije svih zaposlenika na predavanjima i obukama iz oblasti sprečavanja korupcije i sukoba interesa	9.1.18.	Oktobar, 2019. + kontinuirano	Glavni tužilac, na prijedlog sekretara	Broj organiziranih obuka

II – SPECIFIČNE AKTIVNOSTI

1.	Analizirati i reducirati slabosti u otkrivanju, procesuiranju i kažnjavanju aktera korupcije s ciljem efikasnijeg procesuiranja koruptivnih krivičnih djela, naročito u složenijim slučajevima	9.2.3.1.	Novembar, 2018.	Glavni tužilac, na prijedlog Odsjeka za privredni, finansijski i organizirani kriminal/koordinatora antikoruptivnih aktivnosti	Provedene analize, predložene izmjene postojećeg modusa rada
2.	Analizirati ljudske i materijalne kapacitete Tužilaštva za borbu protiv korupcije i u skladu s rezultatima analize predložiti jačanje ovih kapaciteta	9.2.3.2.	Novembar, 2018.	Glavni tužilac, na prijedlog Odsjeka za privredni, finansijski i organizirani kriminal/koordinatora antikoruptivnih aktivnosti	Izvršena analiza i predložene mjere na osnovu analize
3.	Unapređenje saradnje i koordinacije na relaciji „inspekcija-policijska-tužilaštvo-sud“, kao i formiranje zajedničkih istražnih timova između tužilaštva, policije i inspekcije u svrhu provođenja efikasnijih istraga u krivičnim djelima korupcije	9.2.3.3.	Februar, 2019.	Glavni tužilac, na prijedlog Odsjeka za privredni, finansijski i organizirani kriminal/koordinatora antikoruptivnih aktivnosti	Saradnja unaprijeđena
4.	Animiranje građana za prijavu korupcije	9.2.3.4.	Avgust, 2019.	Glavni tužilac, na prijedlog Odsjeka za privredni, finansijski i organizirani kriminal i sekretara/koordinatora antikoruptivnih aktivnosti	Provođenje javnih kampanja i promocija borbe protiv korupcije s akcentom na rizične oblasti, promocija pozitivnih primjera postupanja u slučajevima korupcije
5.	Osigurati elektronski pristup organima krivičnog gonjenja koji postupaju u istragama koruptivnih krivičnih djela i finansijskim istragama, odgovarajućim bazama podataka poreznih i inspekcijских organa	9.2.3.5.	Septembar, 2019. + kontinuirano	Glavni tužilac, na prijedlog Odsjeka za privredni, finansijski i organizirani kriminal/koordinatora antikoruptivnih aktivnosti	Osiguran pristup
6.	Specijalističke obuke u oblasti borbe protiv korupcije	9.2.3.6.	Jun, 2019. + kontinuirano	Odsjek za privredni, finansijski i organizirani kriminal/koordinatora antikoruptivnih aktivnosti	Broj obuka i broj zaposlenih koji su pohađali obuke



Na

Na osnovu člana 24. Zakona o Tužilaštvu Brčko distrikta BiH ("Službeni glasnik Brčko distrikta BiH, broj: 19/07) i člana 2. Odluke o usvajanju Strategije za borbu protiv korupcije Brčko distrikta BiH 2018 - 2019. godina i Akcionog plana za sprovođenje Strategije za borbu protiv korupcije Brčko distrikta BiH 2018 -2019. godina godina ("Službeni glasnik Brčko distrikta BiH", broj: 15/18), u skladu sa Strateškim planom Tužilaštva Brčko distrikta BiH za period 2016-2018. godina, broj: A-567/2015 od 21.08.2015. godine, glavni tužilac Tužilaštva Brčko distrikta BiH d o n o s i

O D L U K U

O IZMJENI ODLUKE O USVAJANJU I SPROVOĐENJU PLANA DJELOVANJA PROTIV KORUPCIJE

Član 1

U Odluci o usvajanju i sprovođenju Plana djelovanja protiv korupcije broj: A -309/2018 od 18.06.2018.godine, u članu 2 stav 1 mijenja se i glasi:

“(1) Za koordinatora sprovođenja Plana djelovanja protiv korupcije imenuje se sekretar Tužilaštva Brčko distrikta BiH Samir Beganović (u daljem tekstu: koordinator antikoruptivnih aktivnosti).”

Član 2

Ova odluka stupa na snagu danom donošenja.

Broj: A-309/2018
Brčko, 04.10.2018.godine

GLAVNI TUŽILAC
ZEKERIJA MUJKANović

Dostavljeno:

1. koordinatoru antikoruptivnih aktivnosti;
2. zaposlenim u Tužilaštvu (svima);
3. na web stranicu Tužilaštva;
4. a/a